

BAOFISIRI BA KHASTOM BA SARS BA THIBETŠE MORWALO WA GO SWARA KHOKHEINE YA BOLENG BJA GO FETA R3 MILLION

Pretoria, Labohlano la 22 Feberware 2019 – Morago ga dikgwedi tše mmalwa tša tebedišišo le lekodišo ya difofane tše mmalwa, maabane baofisiri ba Khastom ba Ditirelo tša Motšhelo tša Afrika Borwa (SARS) bao ba šomago ka Boemafofane bja Ditšhabatšhaba ka OR Tambo, ba ile ba swara mogononelwa wa go kwefa ka diokobatši, gomme ba thibela morwalo wa gagwe wa go swara khokheine ya boleng bja go feta R3 million.

Mosepedi, yo a bego a e tšwa Sao Paulo, mathomong o ganeditše gore o nameditše morwalo ka sefofaneng. Le ge go le bjale, ge baofisiri ba nyakišiša go ya pele, go ile gwa lemogwa gore o nameditše morwalo wa kimelo ya dikilogramo tše 23.

Baofisiri ba hweditše morwalo wa gagwe ka go kharaosele ya go dikološa morwalo wa go tšwa sefofaneng. Ka nako ya tlhahlobo ya sebele ya mokotlana, go utullotšwe mekotlana ye mebedi ya go tlatšwa ka 10.645kg ya khokheine ya go gononelwa gomme mosadi yoo o ile a golegwa le semetsing.

Molato wa bosenyi bakeng sa go kwefa ka diokobatši le maiteko a go phelea molao ka go gana go dumela morwalo o ngwadišitšwe seteišeneng sa selegae sa maphodisa.

Monamedi o ile a golegwa gomme o letetše go tšwelela kgorong ya tshoko go ya ka ditatofatšo tša molato.

Go lebelela diswantšho, [kgotla mo](#).